

leno che prima li religiosi et nobeli vadino a questa impresa, et che anche loro seguitarano volentiera. Dice non esser alcun ardito a prosimarse a milia 50 apresso Viena.

Da Ferrara, del Venier orator, di 18. Come el signor duca li ha fatto intender, l'imperador haverli mandà a dimandar el transito per Modena et Rezo per andar a Bologna dal papa, nè vuol più andar a Mantova, et il duca li ha mandato a dir esser contentissimo, *dummodo* Soa Maestà li prometa non far novità alcuna.

Noto. Fo dito in fontego de todeschi esser lettere di Augusta, di 5, in mercanti, che quelli de Viena hanno dato una rota a turchi numero....., per il che todeschi questa notte hanno festa fato in fontego, grande.

Item, fo dito incerto autore che 'l Turco qual è a campo a Viena, volendo darli la bataia a di primo de questo, quelli dentro patizono che, non venendoli soccorso in tre settimane, dariano la terra salvo l'haver et le persone.

Da poi disnar, fo Pregadi, et letto questa letera del Gritti, et comandà grandissima credenza, fu sacramentà el Consejo.

66* Fu posto, per li Consleri, da poi leto una letera del podestà de Isola, de certo corpo trovato morto, chi acuserà el malfator habbi de taia lire 600, et se uno compagno acusi l'altro sia assolto, et sapendo la verità, possi metter quello o quelli in bando de le terre et lochi etc., con taia vivo lire 600, morto 40. Ave : 168, 11, 6.

Fu posto, per li ditti, un'altra taia a Padova, per l'homicidio seguito in la persona de Ventura hebreo, come apar per lettere di sier Polo Trivixan podestà, de 12 setembrio, chi acuserà el malfator habbi lire 1000 de taia, et inteso la verità, possi meter in bando di terre et lochi etc., con taia lire 1000, morto 800, et confiscar li soi beni. Ave : 168, 0, 4.

Fu posto, per li Savi, atento che sora el dazio del pesse sia stà depositadi ducati 20 grossi 10 de più di le lire 20 milia monta el datio, per tanto sia comesso che ogni anno li officiali de le Raxon vecchie dar debbi de ogni danaro del suo officio oltra le lire 20 milia in contadi ducati 2 grossi 5 del dito datio del pesse, de quelli hanno depositado de più, *ut in parte*. Ave : 154, 16, 12.

Fu poi ballotà 25 debitori de la Signoria, extrati per tessera tutti, rimaseno numero 22, sier Andrea Mozenigo qu. sier Lorenzo, poverissimo, non fu preso, et

Fu fato do provedadori sora i banchi per uno anno ; questo è il scurtinio qui soto, el terzo è sier Marco Antonio Grimani de sier Francesco.

Eletti do proveditori sora i banchi.

Sier Piero Duodo fo di Pregadi, qu.	
sier Francesco	91.100
† Sier Christofal Morexini fo governorator de l'intrade, qu. sier Nicolò	135. 55
Sier Zuan Moro fo de la Zonta, qu. sier Lunardo	108. 87
Sier Antonio Gradenigo fo consier, qu. sier Polo	71.124
Sier Francesco Bragadin fo de Pregadi, qu. sier Andrea	75.118
Sier Donà da Leze fo de Pregadi, di sier Michiel	116. 75
Sier Justo Contarini fo proveditor al Sal, qu. sier Lorenzo	117. 77
Sier Marco Antonio Foscarini fo proveditor a le Biave, di sier Andrea	107. 87
† Sier Zorzi Venier fo de Pregadi, qu. sier Francesco	134. 57
Sier Hironimo Soranzo fo al luogo de Procurator, qu. sier Beneto	99. 97

Da poi fo legitimà la banca, et li Cai di XL entrò in luogo de Consieri cazadi, et sier Piero Mocenigo proveditor de Comun et sier Marin Justinian avogador andò in renga, et placitò una termination de la Signoria che stridò la parte, posta a di 11 setembrio, de far creditor sier Marin Malipiero qu. sier Piero fo patron de fusta et se rompete, non fosse presa per non haver el numero de le ballote, et disse questo non è in la leze vol tante ballote, *unde* sier Marchiò Michiel et lui sier Marin Justinian avogadori messeno taiar quella termination et per conseguente la parte se intendi esser presa. Niun li rispose, fo cazà li parenti. Ave : 106 de sì, 31 de no, 20 non sinceri, et fu presa ; et cussi haverà il suo credito justa la parte posta a di 11 setembrio passato.

Questi fono balotati hozi a dì 19 de octubrio 1529 in Pregadi debitori da esser astretti in aver et in persona. 67

Regin de Castelin, mercadante de vin,
Raxon nuove, datio lire 14 soldi — 138. 1